

15 апреля 2020 года

Страстная седмица

ВЕЛИКАЯ СРЕДА

**Последование утрени
для домашнего
(келейного) совершения**

УТРЕНЯ

Молитвами святых отец наших,
Господи Иисусе Христе, Боже наш,
помилуй нас. **А**минь.

Слава Тебе, Боже наш, слава
Тебе.

Царю Небесный, Утешителю,
Душе истины, Иже везде сый и вся
исполняяй, Сокровище благих и
жизни Подателю, прииди и вселися
в ны, и очисти ны от всякия
скверны, и спаси, Блаже, души
наша.

Святыи Бже, Святыи Крепкий,
Святыи Безсмертный, помилуй нас.
Трижды, и три поклона.

Слава Отцу, и Сыну, и Святому
Духу, и ныне и присно, и во веки
веков. **Аминь.**

Пресвятая Троице, помилуй нас:
Господи, очисти грехи наша;
Владыко, прости беззакония наша;

Святѣй, посети и исцели немощи наша, имене Твоего ради.

Господи, помилуй. **Трижды.**

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

Господи, помилуй, **12.**

Сла́ва, и ны́не:

Прииді́те, поклоні́мся Цареві
нашему́ Богу.

Прииді́те, поклоні́мся Христу́,
Царе́ви на́шему, Бо́гу.

Прииді́те, поклоні́мся и
припаде́м Само́му Христу́, Царе́ви и
Бо́гу на́шему.

ДВУПСАЛМИЕ

Псалом 19

Услы́шит тя Госпо́дь в день
печа́ли, защы́тит тя і́мя Бо́га
Иа́ковля. По́слет ти по́мощь от
Свята́го и от Си́она засту́пит тя.
Помяне́т вся́ку же́ртву твою́, и

всесоужѣние твоѣ тѹчно бѹди. Даст
ти Господь по сѣрдцу твоѣму и весь
совѣт твой исполнит. Возрадуемся
о спасѣнии твоѣм и во имя Господа
Бога нашего возвеличимся.
Исполнит Господь вся прошѣния
твоѣ. Ныне познах, яко спасѣ
Господь христа Своего, услышит
его с Небесѣ Святаго Своего, в
силах спасѣние десницы Его. Сии
на колесницах, и сии на конех, мы
же во имя Господа Бога нашего
призовѣм. Тѣи спяти быша и
падѡша, мы же востахом и
исправихомся. Господи, спаси царя
и услыши ны, вѡньже аще день
призовѣм Тя.

Псалом 20

Гóсподи, сíлою Твоёю
возвеселíтся царь и о спасéнии
Твоём возра́дуется зело́. Желáние
сёрдца егó дал есí ему́, и хотéния
устну́ егó нéси лишíл егó. Я́ко
предварíл есí егó благословéнием
благосты́нным, положíл есí на
главэ егó венéц от кáмене чéстна.
Животá просíл есть у тебé, и дал
есí ему́ долготу́ дней во век вéка.
Вéлия сла́ва егó спасéнием Твоём,
сла́ву и велелéпие возложíши на
негó. Я́ко дáси ему́ благословéние
во век вéка, возвеселíши егó
ра́достью с лицём Твоём. Я́ко царь
упова́ет на Гóспода, и мíлостью

Вѣшняго не подвижится. Да
обрящется рука Твоя всем врагом
Твоим, десница Твоя да обрящет
вся ненавидящая Тебѣ. Яко
положиши их яко пещь огненную
во время лица Твоего, Господь
гнѣвом Своим смятет я, и снѣсть их
огнь. Плод их от земли погубиши, и
сѣмя их от сыновъ человеческих.
Яко уклониша на Тя злая,
помыслиша совѣты, ихже не
возмогут составить. Яко
положиши я хребѣт, во избытцех
Твоих уготовиши лице их.
Вознесися, Господи, силою Твоею,
воспоём и поём силы Твоя.

Слава, и ныне:

Трисвятѣе. Сла́ва, и ны́не:

Пресвята́я Трѣице:

Го́споди, помѣлуй. Трижды. Сла́ва,
и ны́не: **О́тче наш:**

И тропари:

Спаси́ Го́споди лю́ди Твоѧ, / и
благослови́ достоѧние Твоѣ, /
побѣды на сопроти́вныя да́руя, / и
Твоѣ сохра́няя Кресто́м Твоѣм
жи́тельство.

Сла́ва: **Вознесѣйся** на Крест
во́лею, / тезоименѣтому Твоему́
но́вому жи́тельству / щедро́ты
Твоѧ да́руй, Христе́ Бо́же, /
возвесели́ нас си́лою Твоѣю, /
побѣды да́я нам на сопоста́ты, /

посóбие имúщим Твоé ору́жие
мíра, / непобедíмую побéду.

И нýне: **Предстáтельство**
стра́шное и непостýдное, / не
прéзри Благáя молíтв нáших,
Всепéтая Богорóдице, / утвердí
правослáвных жíтельство: / спасí
лю́ди Твоя́, и подáждь им с небесé
побéду, / занé родилá есí Бóга,
едíна благословéнная.

Гóсподи, помíлуй. 12.

Слáва, и нýне:

ШЕСТОПСАЛМИЕ

Слáва в вýшних Бóгу, и на землí
мир, в челове́цах благоволе́ние.

Трижды.

Гóсподи, устнѣ мой отвѣрзеши, и
уста́ моя возвестя́т хвалу́ Твою́.

Дважды.

Псалом 3

Гóсподи, что ся умно́жиша
стужа́ющии мѣ? Мно́зи воста́ют на
мя, мно́зи глаго́лют души́ моѣй:
несть спасѣния ему́ в Бóзе его́. Ты
же, Гóсподи, Засту́пник мой еси́,
сла́ва моя́ и возно́сяй главу́ мою́.
Гласом моѣм ко Гóсподу воззва́х, и
услы́ша мя от горы́ святы́я Своея́.
Аз усну́х, и спах, воста́х, я́ко
Госпо́дь заступит мя. Не убою́ся от
тем люде́й, о́крест напа́дающих на

мя. Воскресни́, Го́споди, спаси́ мя,
Бо́же мой, я́ко Ты порази́л еси́ вся
вражду́ющыя ми всу́е: зу́бы
гре́шников сокруши́л еси́.
Госпо́дне есть спасе́ние, и на лю́дех
Твои́х благослове́ние Твое́.

Аз усну́х, и спях, воста́х, я́ко
Госпо́дь засту́пит мя.

Псалом 37

Го́споди, да не я́ростию Твое́ю
обличи́ши мене́, ниже́ гне́вом
Твои́м нака́жеша мене́. Я́ко стрéлы
Твоя́ унзо́ша во мне, и утверди́л
еси́ на мне ру́ку Твою́. Нестъ
исцелéния в плóти моéй от лица́
гне́ва Твоегó, несть ми́ра в костéх

моих от лица грех моих. Яко
беззакония моя превзыдоша главу
мою, яко бремя тяжкое отяготеша
на мне. Возсмердеша и согниша
раны моя от лица безумия моего.
Пострадах и слякохся до конца,
весь день сетуя хождах. Яко лядвия
моя наполнися поруганий, и
несть исцеления в плоти моей.
Озлоблен бых и смирихся до зела,
рыках от воздыхания сердца
моего. Господи, пред Тобою все
желание мое и воздыхание мое от
Тебе не утайся. Сердце мое
смятется, остави мя сила моя, и свет
очию моею, и той несть со мною.
Друзи мой и искреннии мой прямо

мне прибли́жишася и ста́ша, и
бли́жнии мой́ отдалече мене́ ста́ша
и нужда́хуся и́щущии ду́шу мою́, и
и́щущии зла́я мне глаго́лаху
су́етная и льсти́вным весь день
поуча́хуся. Аз же я́ко глух не
слы́шах и я́ко нем не отверза́яй уст
свои́х. И бых я́ко челове́к не
слы́шай и не имы́й во устéх свои́х
обличéния. Я́ко на Тя, Го́споди,
упова́х, Ты услы́шиши, Го́споди
Бо́же мой. Я́ко рех: да не когда́
пора́дуют ми ся врази́ мой: и
внегда́ подвижа́тися нога́м мо́им,
на мя велеречева́ша. Я́ко аз на
ра́ны гото́в, и болéзнь моя́ предо
мно́ю есть вы́ну. Я́ко беззакóние

моё аз возвещу́ и попеку́ся о гресе́
моём. Врази́ же мо́й живу́т и
укрепи́шася па́че мене́, и
умно́жишася ненави́дящии мя без
пра́вды. Воздаю́щии ми зла́я
возблагая́ оболга́ху мя, зане́ гоня́х
благосты́ню. Не оста́ви мене́,
Го́споди Бо́же мой, не отступи́ от
мене́. Вонми́ в по́мощь мою́,
Го́споди спасе́ния моего́.

**Не оста́ви мене́, Го́споди Бо́же
мой, не отступи́ от мене́. Вонми́ в
по́мощь мою́, Го́споди спасе́ния
моего́.**

Псалом 62

Бо́же, Бо́же мой, к Тебе́ у́треннюю,

возжада́ Тебѣ́ душа́ моя́, коль
мно́жицею Тебѣ́ плоть моя́, в земли́
пу́сте и непрохо́дне, и безво́дне.
Та́ко во святѣ́м яви́хся Тебѣ́, ви́дети
си́лу Твою́ и сла́ву Твою́. Я́ко лу́чши
ми́лость Твоя́ па́че живо́т, устне́
мои́ похва́лите Тя. Та́ко
благословлю́ Тя в животе́ моём, о
и́мени Твоём воздежу́ ру́це мои́.
Я́ко от ту́ка и ма́сти да испо́лнится
душа́ моя́, и устна́ма ра́дости
восхва́лят Тя уста́ моя́. А́ще
помина́х Тя на постѣ́ли моёй, на
у́тренних поуча́хся в Тя. Я́ко был
еси́ Помо́щник мой, и в кро́ве
крилу́ Твоёю возра́дуюся. Прильпе́
душа́ моя́ по Тебѣ́, мене́ же прият

десница Твоя. Тии же все искаша
душу мою, внидут в преисподняя
земли, предадутся в руки оружия,
части лисовом будут. Царь же
возвеселится о Бозе, похвалится
всяк кленыйся Им, яко
заградися уста глаголющих
неправедная.

На утренних поучахся в Тя. Яко
был еси Помощник мой, и в крове
крилу Твоею возрадуюся. Прильпе
душа моя по Тебе, мене же прият
десница Твоя.

Слава, и ныне:

Аллилуия, аллилуия, аллилуия,
слава Тебе Бозе. Трижды, без

ПОКЛОНОВ.

Гóсподи помійлуй. Трижды.

Сла́ва, и ны́не:

Псалом 87

**Гóсподи Бóже спасéния моего́,
во дни воззва́х, и в но́щи пред
Тобóю. Да вни́дет пред Тя моли́тва
моя́: приклонí у́хо Твое́ к молéнию
моему́, я́ко испóлнися зол душа́
моя́, и живóт мой аду прибли́жися.
Привменéн бых с низходя́щими в
ров, бых я́ко челове́к без по́мощи, в
мёртвых свобóдь, я́ко я́звеннии
спя́щии во грóбе, íхже не помяну́л
еси́ ктому́, и т́и от руки́ Твоея́
отриновéни б́ыша. Положи́ша мя в**

рѡве преиспѡднем, в тѣмных и сѣни
смѣртней. На мене утвердѣся ярость
Твоя, и вся вѡлны Твоя навѣл еси
на мя. Удалил еси знаемых моих от
менѣ, положиша мя мѣрзость себѣ:
прѣдан бых и не исхождах. Очи мой
изнемогѡсте от нищеты, воззвах к
Тебѣ, Гѡсподи, весь день, вздох к
Тебѣ рѡце мой. Еда мѣртвыми
твориши чудеса? Или врачеве
воскресѣт, и исповѣдятся Тебѣ? Еда
повѣсть кто во грѡбе мѣлость
Твою, и истину Твою в погѣбели?
Еда познана бѡдут во тьме чудеса
Твоя, и правда Твоя в земли
забвенней? И аз к Тебѣ, Гѡсподи,
воззвах и утро молѣтва моя

предварит Тя. Вскую, Гóсподи, отрееши дúшу мою, отвращаеши лице Твое от мене? Нищ есмь аз, и в трудéх от юности моея; вознес же ся, смирихся, и изнемогох. На мне преидоша гнэви Твой, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Гóсподи Бóже спасения моего, во дни возвах, и в нощи пред Тобóю. Да внидет пред Тя молитва моя: приклони úхо Твое к молению моему.

Псалом 102

Благослові, душе́ моя, Го́спода, и
вся вну́тренняя моя́ ймя свя́тое
Его́. Благослові, душе́ моя́,
Го́спода, и не забыва́й всех
возда́ний Его́, очища́ющего вся
беззако́ния тво́я, исцеля́ющего вся
неду́ги тво́я, избавля́ющего от
истле́ния живо́т твой, венча́ющего
те́бя ми́лостью и щедро́тами,
исполня́ющего во благо́х желáние
твоё: обнов́ится я́ко орля́ ю́ность
тво́я. Твори́ ми́лостыни Го́сподь, и
судбу́ всем обидимым. Сказа́ пути́
Сво́я Моисе́ови, сыно́вом
Изра́иловым хотéния Сво́я: Щедр и
Ми́лостив Го́сподь, Долготерпел́ив
и Многоми́лостив. Не до конца́

прогнѣвается, ниже во век
враждует, не по беззаконіем
нашим сотворил есть нам, ниже по
грехом нашим воздал есть нам.
Яко по высотѣ небесней от земли,
утвердил есть Господь милость
Свою на боящихся Его. Елико
отстоят востocy от запад, удалил
есть от нас беззаконія наша.
Якоже щедрит отец сыны, ущедри
Господь боящихся Его. Яко Той
позна создание наше, помяну, яко
персть есмь. Человек, яко трава
дние его, яко цвет сѣльный, тако
оцветет, яко дух пройде в нем, и не
будет, и не познает ктому места
своего. Милость же Господня от

вѣка и до вѣка на боящихся Его́, и
пра́вда Его́ на сынѣх сынѡв,
хранящих заветъ Его́, и по́мнящих
за́поведи Его́ творити я́. Господь на
Небесѣ́х угото́ва Престо́л Свой, и
Ца́рство Его́ все́ми облада́ет.
Благослови́те Го́спода вси А́нгели
Его́, си́льнии крѣпостию,
творя́щи сло́во Его́, услы́шати
глас словѣс Его́. Благослови́те
Го́спода вся Си́лы Его́, слугѣ́ Его́,
творя́щи во́лю Его́. Благослови́те
Го́спода вся дела́ Его́, на вся́ком
мѣсте влады́чества Его́,
благослови́, ду́ше моя́, Го́спода.

На вся́ком мѣсте влады́чества
Его́, благослови́, ду́ше моя́, Го́спода.

Псалом 142

Гóсподи, услы́ши моли́тву мою́,
внуши́ моле́ние моё во и́стине
Твоёй, услы́ши мя в пра́вде Твоёй и
не вни́ди в суд с рабо́м Твои́м, я́ко
не оправди́тся пред Тобо́ю всяк
живы́й. Я́ко погна́ враг ду́шу мою́,
смирíл есть в зéмлю живóт мой,
посади́л мя есть в тёмных, я́ко
мёртвыя вéка. И уны́ во мне дух
мой, во мне смятéся сёрдце моё.
Помяну́х дни дрéвния, поучи́хся во
всех дéлех Твои́х, в творéниях руку́
Твоёю поуча́хся. Воздéх к Тебé рúце
мой, душá моя́, я́ко земля́
безвóдная Тебé. Скóро услы́ши мя,
Гóсподи, исчезé дух мой, не

отврати́ лица́ Твоего́ от мене́, и
уподо́блюся низходя́щим в ров.
Слы́шану сотвори́ мне за́втра
ми́лость Твою́, я́ко на Тя упова́х.
Скажи́ мне, Го́споди, путь во́ньже
пойду́, я́ко к Тебе́ взях ду́шу мою́.
Изми́ мя от враг мои́х, Го́споди, к
Тебе́ прибего́х. Научи́ мя твори́ти
во́лю Твою́, я́ко Ты еси́ Бог мой. Дух
Твой Благо́й наста́вит мя на зе́млю
пра́ву. Имене́ Твоего́ ра́ди, Го́споди,
живи́ши мя, пра́вдою Твое́ю
изведе́ши от печа́ли ду́шу мою́. И
ми́лостью Твое́ю потреби́ши враги́
моя́ и погуби́ши вся стужа́ющыя
души́ моёй, я́ко аз раб Твой есмь.

Услы́ши мя, Го́споди, в пра́вде

Твоёй и не вни́ди в суд с рабо́м
Твои́м.

Услы́ши мя, Го́споди, в пра́вде
Твоёй и не вни́ди в суд с рабо́м
Твои́м.

Дух Твой Благый наста́вит мя на
зе́млю пра́ву.

Сла́ва, и ны́не:

Аллилу́ия, аллилу́ия, аллилу́ия,
сла́ва Тебе́, Бо́же. Трижды.

Го́споди, поми́луй. 12.

Сла́ва, и ны́не:

Аллилу́ия и тропари́

Глас 8:

Аллилу́ия, аллилу́ия, аллилу́ия.

Стих: От но́щи у́тренюет дух мой к Тебе́, Бо́же, зане́ свет повеле́ния Тво́я на землі.

Аллилу́ия, аллилу́ия, аллилу́ия.

Стих: Пра́вде научі́теся жи́вущи на землі.

Аллилу́ия, аллилу́ия, аллилу́ия.

Стих: За́висть при́мет лю́ди ненака́занныя.

Аллилу́ия, аллилу́ия, аллилу́ия.

Стих: Приложи́ им зла, Го́споди, приложи́ зла сла́вным землі.

Аллилу́ия, аллилу́ия, аллилу́ия.

Тропарь, глас 8:

Се, Жених грядёт в полунощи,
и блажен раб, егóже обрящет
бдяща: недостóин же паки, егóже
обрящет уныва́юща. Блюдí убо,
душé моя, не снóм отяготíся, да
не смёрти преданá будеши и
Цáрствия вне затворíшися, но
воспряни́ зову́щи: Свят, Свят,
Свят еси́, Бóже, Богорóдицею
помíлуй нас.

Слава: Се, Жених грядёт в
полунощи:

И ныне: Се, Жених грядёт в
полунощи:

КАФИЗМЫ И СЕДАЛЕН

Гóсподи, помíлуй. Трижды.

Слáва, и ны́не:

И чтем каф́исму 14-ю (зри
Псалтирь)

Гóсподи, помíлуй. Трижды.

Слáва, и ны́не:

По кафисме седáлен:

Блудни́ца приступи́ к Тебе́,
ми́ро со слезáми, изливáющи на
но́зе Тво́й, Человеколю́бче, и
смра́да зол избавля́ется
повелéнием Тво́йм: дышá же
благодáть Твою́ учени́к
неблагодáрный, сию́ отлагáет и
смра́дом одева́ется,

сребролюбием прода́я Тебе́:
сла́ва, Христе́, благоутро́бию
Твоему́.

Го́споди, поми́луй. Трижды.

Сла́ва, и ны́не:

И чтем кафи́сму 15-ю (зри
Псалтирь)

Го́споди, поми́луй. Трижды.

Сла́ва, и ны́не:

По кафисме седа́лен:

И́уда льстец, сребролю́бия
рачи́тельствуяй, преда́ти Тя,
Го́споди, Сокро́вище Живота́,
ле́стно поуча́шеся. Отону́дуже и
упи́вся, течёт ко иуде́ом, глаго́лет

беззаконным: что ми хощете дати, и аз вам предам, во еже распяти Его?

Слава, и ныне:

Другий седален:

Блудница в плаче вопияше, Щедре, отираючи тепле пречистей Твоей ноге власы главы своея, и из глубины стенищи: не отрини мя, ниже омерзи, Боже мой: но приими мя кающуюся, и спаси, яко един Человеколюбец.

Господи, помилуй. Трижды.

От Иоанна Святаго Евангелия чтение.

Сла́ва Тебе́, Го́споди, сла́ва Тебе́.

Евангелие от Иоанна (зачала 41 от
полу – 43):

Во время оно, свидѣтельствоваше народъ сый со Иисусом, егда Лазаря возгласи от гроба, и воскреси его от мертвых. Сего ради и срете Его народ, яко слышаша Его сие сотворша знамение. Фарисее же реша к себе: видите, яко никая же польза есть, се мир по Нем идет. Бяху же нецыи еллини от вшедших, да поклонятся в праздник. Сии убо приступиша к Филиппу, иже бе от Вифсайды Галилейския и моляху его,

глаголюще: Гóсподи, хóщем
Иисúса вíдети. Приíде Филíпп
и глагола Андрéови: и пáки
Андрéй и Филíпп глаголаста
Иисúсови. Иисúс же отвещá йма,
глаголя: приíде час, да
прослáвится Сын Человéческий.
Амíнь, амíнь, глаголю вам: áще
зéрно пшенíчно пад на землí не
úмрет, то едíно пребывáет: áще
ли úмрет, мног плод сотворíт.
Любáй дúшу свою, погубíт ю: и
ненавídяй дúшу свою в мíре
сем, в животé вéчном сохранíт ю.
Áще кто Мне слúжит, Мне да
последствует: и идéже есмь Аз,
ту и слуга Мой бúдет. И áще кто

Мне слúжит, почтíт егó Отéц
Мой. Нýне душá Моя возмутíся,
и чтó реку? Отче, спасí Мя от
часá сегó: но сегó рáди приидóх
на час сей. Отче, прослáви Ёмя
Твоё. Приíде же глас с Небесé: и
прослáвих, и пáки прослáвлю.
Нарóд же стояй слýшав,
глагóлаху: гром бысть. Инíи
глагóлаху: áнгел глагóла Емý.
Отвещá Иисýс и речé: не Менé
рáди глас сей бысть, но нарóда
рáди. Нýне суд есть мíру сему:
нýне князь мíра сегó изгнán
бúдет вон. И áще Аз вознесén
бúду от землí, вся привлеку́ к
Себé. Сие же глагóлаше,

назна́менуя, ко́ею смёртию
хотя́ше умре́ти. Отвеща́ Емú
наро́д: мы слы́шахом от зако́на,
я́ко Христо́с пребыва́ет во ве́ки:
ка́ко Ты глаго́леши, возне́стися
подобáет Сы́ну Человéческому,
кто́ есть сей Сын Человéческий?
рече́ же им Иису́с: ещё́ мало
вре́мя Свет в вас есть: ходи́те,
до́ндеже Свет има́те, да тьма вас
не има́ет: и ходя́й во тьме, не весть
камо́ идёт. До́ндеже Свет има́те,
веруйте во Свет, да сы́нове Све́та
бу́дете. Сия́ глаго́ла Иису́с, и
отше́д скрýлся от них. То́лика
зна́мения сотво́ршу Емú пред
ни́ми, не ве́роваху в Него́. Да

сбўдется слóво Исáии прорóка, ёже речé: Гóсподи, кто вéрова слўху нáшему; и мýшца Гóспóдня кому открьíся? Сегó рáди не можáху вéровати, я́ко пáки речé Исáиа. Ослепí очи их, и окáменил есть сердцá их, да не вíдят очíма, ни разумéют сёрдцем, и обратя́тся, и исцелю́ их. Сия́ речé Исáиа, егдá вíде сла́ву Егó, и глагóла о Нем. Обáче ўбо и от князь мно́зи и вéроваша в Него́; но фарисéй рáди не исповéдоваху, да не из сóнмищ изгнáни б́дут, возлюбíша бо пáче сла́ву чело́веческую, не́же сла́ву Бóжию. Иисýс же воззвá и

речѣ: вѣруй в Мя, не вѣрует в Мя, но в послáвшаго Мя. И вѣдй Мя, вѣдит послáвшаго Мя. Аз свет в мир приидóх, да всяк вѣруй в Мя, во тьме не пребúдет. И áще кто услышит глагóлы Мойя и не вѣрует, Аз не суждú емú: не приидóх бо, да суждú мíрови, но да спасú мир. Отметáйся Мене и не приёмляй глагóл Моих, имать Судящаго емú: слóво éже глагóлах, то сúдит емú в послéдний день. Яко Аз о Себѣ не глагóлах: но послáвый Мя Отéц, Той Мне заповедь дадé, что рéку и что возглагóлю. И вем, яко заповедь Егó живóт вéчный есть:

**яже ўбо Аз глаго́лю, я́коже рече́
Мне Оте́ц, та́ко глаго́лю.**

Русский перевод: В то время свидетельствовал народ, бывший с Иисусом, что Он вызвал из гроба Лазаря и воскресил его из мертвых. Потому и встретил Его народ, ибо слышал, что Он сотворил это чудо. Фарисеи же говорили между собою: видите ли, что не успеваете ничего? весь мир идет за Ним. Из пришедших на поклонение в праздник были некоторые Еллины. Они подошли к Филиппу, который был из Вифсаиды Галилейской, и просили его, говоря: господин! нам хочется видеть Иисуса. Филипп идет и говорит о том Андрею; и потом Андрей и Филипп рассказывают о том Иисусу. Иисус же сказал им в ответ: пришел час прославиться Сыну Человеческому.

Истинно, истинно говорю вам: если пшеничное зерно, пав в землю, не умрет, то останется одно; а если умрет, то принесет много плода. Любящий душу свою погубит ее; а ненавидящий душу свою в мире сем сохранит ее в жизнь вечную. Кто Мне служит, Мне да последует; и где Я, там и слуга Мой будет. И кто Мне служит, того почитит Отец Мой. Душа Моя теперь возмутилась; и что Мне сказать? Отче! избавь Меня от часа сего! Но на сей час Я и пришел. Отче! прославь имя Твое. Тогда пришел с неба глас: и прославил и еще прославлю. Народ, стоявший и слышавший то, говорил: это гром; а другие говорили: Ангел говорил Ему. Иисус на это сказал: не для Меня был глас сей, но для народа. Ныне суд миру сему; ныне князь мира сего изгнан будет вон. И когда Я вознесен буду от земли,

всех привлеку к Себе. Это говорил Он, давая разуместь, какую смертью Он умрет. Народ отвечал Ему: мы слышали из закона, что Христос пребывает вовек; как же Ты говоришь, что должно вознесенным быть Сыну Человеческому? Кто Этот Сын Человеческий? Тогда Иисус сказал им: еще на малое время свет есть с вами; ходите, пока есть свет, чтобы не объяла вас тьма: а ходящий во тьме не знает, куда идет. Доколе свет с вами, веруйте в свет, да будете сынами света. Сказав это, Иисус отошел и скрылся от них. Столько чудес сотворил Он пред ними, и они не веровали в Него, да сбудется слово Исаии пророка: Господи! кто поверил слышанному от нас? и кому открылась мышца Господня? Потому не могли они веровать, что, как еще сказал Исаия, народ сей ослепил глаза свои и окаменил сердце свое, да не

видят глазами, и не уразумеют сердцем, и не обратятся, чтобы Я исцелил их. Это сказал Исаия, когда видел славу Его и говорил о Нем. Впрочем и из начальников многие уверовали в Него; но ради фарисеев не исповедовали, чтобы не быть отлученными от синагоги, ибо возлюбили больше славу человеческую, нежели славу Божию. Иисус же возгласил и сказал: верующий в Меня не в Меня верует, но в Пославшего Меня. И видящий Меня видит Пославшего Меня. Я свет пришел в мир, чтобы всякий верующий в Меня не оставался во тьме. И если кто услышит Мои слова и не поверит, Я не сужу его, ибо Я пришел не судить мир, но спасти мир. Отвергающий Меня и не принимающий слов Моих имеет судью себе: слово, которое Я говорил, оно будет судить его в последний день. Ибо Я

говорил не от Себя; но пославший Меня Отец, Он дал Мне заповедь, что сказать и что говорить. И Я знаю, что заповедь Его есть жизнь вечная. Итак, что Я говорю, говорю, как сказал Мне Отец.

Сла́ва Тебе́, Го́споди, сла́ва Тебе́.

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние моё. Наипáче омый́ мя от беззакóния моего́, и от грехá моего́ очисти́ мя; я́ко беззакóние моё аз зна́ю, и грех мой предо мно́ю есть вину́. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесéх Твои́х,

и победиши, внигда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих, и вся беззаконія моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом

Влады́чним утверди́ мя. Научу́
беззаконныя путе́м Твои́м, и
нечести́вии к Тебе́ обратят́ся.
Изба́ви мя от кровей, Бо́же, Бо́же
спасе́ния моего́; возра́дуется язы́к
мой пра́вде Твое́й. Го́споди, устне́
мои́ отвёрзеши, и уста́ моя
возвестя́т хвалу́ Твою́. Яко́ а́ще бы
восхотёл еси́ жёртвы, дал бых у́бо:
всесожже́ния не благоволи́ши.
Жёртва Бо́гу дух сокруше́н; се́рдце
сокруше́нно и смире́нно Бог не
уничжи́т. Ублажи́, Го́споди,
благоволе́нием Твои́м Си́она, и да
созы́ждутся стёны Иерусали́мския.
Тогда́ благоволи́ши жёртву пра́вды,
возноше́ние и всесожега́емая;

тогда возложат на олтарь Твой
тельцы.

Господи, помилуй. **Трижды.**

Слава, и ныне:

КАНОН

**Трипеснец, творение господина
Космы, глас 2:**

Песнь 3

Ирмос: На камени мя веры
утвердив, расширил еси уста моя
на враги моя, возвесели бо ся дух
мой внемда пети: несть свят, якоже
Бог наш, и несть праведен, паче
Тебе, Господи.

Припев: Слава Тебе, Боже наш,

сла́ва Тебе́.

Во тще́тных собо́рище
беззако́нных, и мы́слию
собира́ется злона́вную,
осу́ждена Изба́вителя изре́щи
Тя, Христе́. Ему́же поём: Ты еси́
Бог наш, и несть свят па́че Тебе́,
Го́споди.

Сла́ва Отцу́, и Сы́ну, и Свято́му
Ду́ху, и ны́не и прѣсно, и во ве́ки
векóв. **А**ми́нь.

Лю́тый сове́т беззако́нных,
притворя́ется богобо́рныя ду́ши
су́щия, я́ко злопотре́бна,
пра́веднаго уби́ти Христа́. Ему́же
поём: Ты еси́ Бог наш, и несть

свят пáче Тебé, Гóсподи.

Катав́асия: На кáмени мя вéры утверд́ив, разшир́ил ес́и уста́ моя́ на враѓи́ моя́, возвесел́и́ бо ся дух мой внегда́ пéти: несть свят, я́коже Бог наш, и несть пра́веден, пáче Тебé, Гóсподи.

Конда́к, глас 4:

Па́че блудни́цы, Бла́же, беззако́нновав, слез тۇчи ника́коже Тебé принесóх; но молча́нием моля́ся припа́даю Ти, любóвию облобыза́я пречы́стии Тво́й но́зе: я́ко да оставле́ние мне я́ко Влады́ка подáси долго́в, зову́щу Ти, Спа́се: от скве́рных

дел моих избáви мя.

Икос: Яже пёрвее блудница
женá, внезапу целомúдренна
явísя, возненавídевши дела
стúднаго грехá и слáдости
телéсныя, поминающи студ
мнóгий и суд мучéния, егóже
претёрпят блудницы и сквёрнии,
от нíхже пёрвый есмь аз, и
боюся: но пребывáю в злом
обычаи безумный. Блúдная же
женá убоявшись, и потщáвшись
скóро приíде, вопиющи ко
Избáвителю: Человеколюбче и
Щéдре, от сквёрных дел моих
избáви мя.

Песнь 8

Ирмо́с: Глаго́л мучи́телей
поне́же превозмо́же, седмери́цею
пещь разжже́на бысть иногда́, в
не́йже о́троцы не опали́шася,
царе́во попра́вше велéние, но
вопиа́ху: вся дела Госпо́дня
Го́спода по́йте и превозно́сите во
вся ве́ки.

Сла́ва Тебе́, Бо́же наш, сла́ва
Тебе́.

Излива́ющи жена́ ми́ро
честно́е, Влады́чню и
Божéственному Стра́шному
верху, Христé, следóв Твои́х
пречи́стых прикосну́ся
оскверне́ныма длáнма и
вопиа́ше: вся дела́ Госпо́дня

**Гóспода по́йте и превозносите во
вся вéки.**

Сла́ва Тебé, Бóже наш, сла́ва
Тебé.

Слезáми омыва́ет но́зе,
пови́нная грехóм, Созда́вшего и
отира́ет власы́ Свои́ми. Тёмже в
жити́и соде́янных не погреш́и
избавлénия, но вопия́ше: вся
дела́ Гóсподня Гóспода по́йте и
превозносите во вся вéки.

Благословим́ Отца́, и Сы́на, и
Свята́го Ду́ха, Гóспода, и ны́не и
присно, и во вéки векóв. **А**ми́нь.

Священноде́йствуется
избавлénие благона́вней, от

спасительных утроб же и слез
источника, в Немже
исповеданием измывшись, не
стыдяшеся, но вопияше: вся дела
Господня Господа пойте и
превозносите во вся веки.

Хвалим, благословим,
покланяемся Господеви, поюще и
превозносяще во вся веки.

Катавасия: Глагол мучителей
понеже превозможе, седмерицею
пещь разжжена бысть иногда, в
нейже отроцы не опалишася,
цареву поправше веление, но
вопияху: вся дела Господня
Господа пойте и превозносите во
вся веки.

Честнейшую не поем.

Песнь 9

Ирмос: Душа́ми чы́стыми и несквѣрными устна́ми, прииді́те возвелі́чим Несквѣрную и Пречы́стую Ма́терь Емману́илеву, Ёю́же из Нея́ к Рожде́нному принося́ще моли́тву: пощади́ ду́ши на́ша, Христе́ Бо́же, и спаси́ нас.

Сла́ва Тебе́, Бо́же наш, сла́ва Тебе́.

Неразу́мен я́влься, и лука́в ревнующи́й, дар досто́йно Боже́ствен слóвом продаёт, ѿмже долг разреши́ся грехо́в, кра́дый лю́тый Иу́да любобожественную

**благодать, пощади души наша,
Христэ Бóже, и спаси нас.**

Слава Тебэ, Бóже наш, слава
Тебэ.

Глаголет шед беззаконным
князём: что ми хощете дати, и аз
Христá вам искомаго хотящим
предам, присвоение Христóво
Иúда отринувый златом; пощади
души наша, Христэ Бóже, и спаси
нас.

Слава Отцú, и Сýну, и Святóму
Дúху, и ныне и прýсно, и во вéки
векóв. **А**мíнь.

О слепóтнаго сребролюбиа,
нечестíве, отонúдуже забвение

получи́л еси́, я́ко душі́ ника́коже
равностоя́телен мир, я́коже
научи́лся еси́: отча́янием бо сам
себе́ удави́л еси́, вжéгся,
предате́лю: пощади́ ду́шы на́ша,
Христé Бóже, и спаси́ нас.

Катава́сия: Душа́ми чи́стыми и
несквѣ́рными устна́ми, прииді́те
возвели́чим Несквѣ́рную и
Пречи́стую Ма́терь Емману́илеву,
Е́юже из Нея́ к Рожде́нному
принося́ще моли́тву: пощади́ ду́ши
на́ша, Христé Бóже, и спаси́ нас.

Го́споди, помі́луй. **Трижды.**

Сла́ва, и ны́не:

Ексапостилáрий:

Чертóг Твой вѣжду, Спáсе мой,
украшѣнный, и одѣжды не ѣмам,
да вни́ду в онь: просветѣ одея́ние
душѣ моѣй, Светода́вче, и спасѣ
мя.

Сла́ва:

Чертóг Твой вѣжду, Спáсе мой,
украшѣнный, и одѣжды не ѣмам,
да вни́ду в онь: просветѣ одея́ние
душѣ моѣй, Светода́вче, и спасѣ
мя.

И ны́не:

Чертóг Твой вѣжду, Спáсе мой,
украшѣнный, и одѣжды не ѣмам,
да вни́ду в онь: просветѣ одея́ние
душѣ моѣй, Светода́вче, и спасѣ

МЯ.

ХВАЛІТНЫ

Хвалі́те Го́спода с небёс; Тебе́ подоба́ет песнь Бо́гу. Хвалі́те Го́спода с небёс, хвалі́те Его́ в вы́шних, Тебе́ подоба́ет песнь Бо́гу. Хвалі́те Его́, вси А́нгели Его́, хвалі́те Его́, вся Сі́лы Его́; Тебе́ подоба́ет песнь Бо́гу. Хвалі́те Его́, со́лнце и луна́, хвалі́те Его́, вся звёзды и свет. Хвалі́те Его́, небеса́ небёс и вода́, і́же превы́ше небёс, да восхва́лят І́мя Господне. Я́ко Той рече́, и бы́ша: Той повеле́, и созда́шася. Поста́ви я в век и в век ве́ка: повелéние положи́, и не мі́мо

ѣдет. Хвалѣте Гóспода от землі, змѣеве и вся бѣздны. Огнь, град, снег, гóлоть, дух бѹрен, творѣщая слóво Егó. Гóры и вси хóлми, древá плодонóсна и вси кѣдри. Звѣрие и всѣ скóти, гади и птѣцы пернаты. Цáрие зѣмстии и вси лѹдие, князи и вси судий зѣмстии. Юношы и дѣвы, стáрцы с юнотами, да восхвалят Ёмя Госпóдне, я́ко вознесѣся Ёмя Тогó Едѣнаго. Исповѣдание Егó на землі и на небесѣ. И вознесѣт рог людѣй Своѣх, песнь всем преподóбным Егó, сыновом Изрáилевым, лѹдем, приближа́ющимся Емѹ.

Воспóйте Гóсподеви песнь нóву,

хвалѣние Егѡ в цѣркви
преподѡбныхъ. Да возвеселѣтся
Израѣиль о сотворшемъ егѡ, и сынове
Сиѡни возрадуются о Царѣ своемъ.
Да восхвалятъ Ымя Егѡ в лице, в
тимпане и псалтыри да поѡтъ Ему.
Яко благоволѣтъ Господь в людехъ
Своѣхъ, и вознесѣтъ кроткѣя во
спасѣние. Восхвалятся
преподѡбнии во славе и
возрадуются на лѡжахъ свѡихъ.
Возношѣния Бѡжѣя в гортани ихъ, и
мечѣ обоѡду остры в рукахъ ихъ:
сотворѣти отмщѣние во языцехъ,
обличѣния в людехъ связати царѣ
ихъ пѡты, и славные ихъ ручными
окѡвы желѣзными.

На 6: Сотвори́ти в них суд
напи́сан. / Сла́ва сия́ бу́дет всем
преподо́бным Егó.

Хвалі́те Бо́га во святы́х Егó, /
хвалі́те Егó во утвер́жении си́лы
Егó.

Стихиры на хвалитех, глас 1:

На 4: Хвалі́те Егó на си́лах Егó, /
хвалі́те Егó по мно́жеству
вели́чества Егó.

**Тебе́, Девы́я Сы́на, блудни́ца,
позна́вши Бога, глаго́лаше, в
пла́чи моля́щися, я́ко слез
досто́йная соде́лавшая: разреши́
долг, я́коже и аз власы́: возлю́би
лю́бящую, пра́ведно**

**ненавидимую, и близ мытарей
Тебе проповедм, благодетелю
Человеколюбче.**

Хвалите Его во гласе трубнем, /
хвалите Его во псалтыри и гуслех.

Многоценное миро блудница
смеси со слезами, и излии на
пречистей ноге Твоей,
облобызаючи: оную абие
оправдал еси, нам же прощение
даруй, пострадавый о нас и спаси
нас.

Хвалите Его в тимпане и лице, /
хвалите Его во струнах и органе.

Егда грешная приношаше
миро, тогда ученик соглашашеся

пребеззаконным. О́вая у́бо
ра́довашеся, истоща́ющи ми́ро
многоце́нное: сей же тща́шеся
продати́ безце́ннаго. Сия́
Вла́дыку позна́ваше, а сей от
Вла́дыки разлуча́шеся. Сия
свобождáшеся, а Иу́да раб
быва́ше врагу́. Лю́то есть
ле́ность, ве́лие пока́ние: е́же
мне да́руй, Спа́се, пострада́вый о
нас, и спаси́ нас.

Хвалите́ Его́ в кимва́лех
доброгла́сных, хвалите́ Его́ в
кимва́лех восклицáния. / Вся́кое
дыхáние да хва́лит Го́спода.

О, Иу́дина ока́янства! зря́ше
блудни́цу целу́ющую стопы́, и

умышляше лѣстию преданія
целованіе. Онаѣ власы разреши,
а сей яростию вязахся, нося
вместо мира злосмрадную злобу.
Зависть бо не вестъ
предпочитати полезное. О,
Иудина окаянства! от негоже
избави, Бóже, дýшы наша.

Слáва, глас 2:

Грѣшная течѣ к миру, купити
многоцѣнное миро, еже помазати
Благодѣтеля, и Мироподателю
вопьяше: даждь ми миро, да
помажу и аз Очи́стившаго вся
моя грехи.

И ны́не, глас 6:

Погружённая грехом обрете
Тя, Пристанище спасения, виждь
и мира со слезами
растворяющую, Тебе вопияше:
виждь согрешающих покаяния
ожидаяй, но, Владыко, спаси мя
от волны греховныя, великия
ради Твоея милости.

Слава Тебе, показавшему нам
свет.

ВЕЛИКОЕ СЛАВОСЛОВИЕ

Слава в вышних Богу и на земли
мир, в человецех благоволение.
Хвалим Тя, Благословим Тя,
кланяем Ти ся, славословим Тя,
благодарим Тя великия ради славы

Твоея́ Го́споди, Царю́ Небѣсный,
Бо́же, О́тче Вседержителю. Го́споди
Сы́не Единоро́дный, Иису́се
Христѣ, и Святы́й Ду́ше. Го́споди
Бо́же, А́гнче Бо́жий, Сы́не Оте́чь,
взѣмляй **грех** міра, помѣлуй нас;
взѣмляй грехи́ міра, приими́
моли́тву на́шу; седя́й одесну́ю
Отца́, помѣлуй нас. Я́ко Ты еси́
Еди́н Свят, Ты еси́ Еди́н Госпо́дь,
Иису́с Христос, во сла́ву Бо́га
Отца́. **Ами́нь.**

На всяк день благословлю́ Тя и
восхваляю́ И́мя Твое́ во ве́ки, и в век
ве́ка.

Го́споди, Прибе́жище был еси́
нам в род и род. Аз рех: Го́споди,

Благословѣн еси́, Влады́ко, вразуми́
мя оправда́нием Твои́м.
Благословѣн еси́, Святы́й, просвети́
мя оправда́нии Твои́ми.

Господи, мѣлость Твоя́ во век,
дел руку́ Твоею́ не презри. Тебѣ́
подобает хвала́, Тебѣ́ подобает
пѣние, Тебѣ́ слава подобает, Отцу́, и
Сы́ну, и Свято́му Ду́ху, ны́не, и
прѣсно, и во ве́ки веко́в. **А**ми́нь.

ЗАВЕРШЕНИЕ УТРЕНИ

Господи, помѣлуй. **12.**

Слава, и ны́не:

Стихи́ры на стихо́вне, глас 6:

Днесь Христос́ приходи́т в дом

фарисе́ов, и жена́ грéшница, приступи́вши к нога́м, валя́шеся вопи́юще: виждь погруже́нную грехо́м, отча́янную дея́ний ра́ди, негнуша́емую от Твоея́ бла́гости: и даждь ми, Го́споди, оставле́ние злых, и спаси́ мя.

Стих: **И**спóлнихомся за́втра мило́сти Твоея́, Го́споди, и возра́довахомся, и возвесели́хомся: во вся дни на́ша возвесели́хомся, за дни в ня́же смири́л ны еси́, ле́та в ня́же ви́дохом зла́я. И при́зри на рабы́ Твоя́, и на дела́ Твоя́, и наста́ви сы́ны их.

Простре́ блудни́ца власы́ Тебе́, Влады́це, простре́ Иу́да рúце

беззаконным: оба́ же при́йти
оставле́ние, ов же взяти
сребреники. Те́мже Тебе́ вопи́ем
проданому, и свободждшему нас,
Господи, сла́ва Тебе́.

Стих: И бу́ди свѣтлость Го́спода
Бо́га на́шего на нас, и дела́ рук
на́ших испра́ви на нас, и де́ло рук
на́ших испра́ви.

Приступі́ же́на злосра́дная и
оскверне́ная, слѣзы
пролива́ющи, лю́бящи, Спа́се,
страсть испове́дающи: ка́ко
воззрю́ к Тебе́, Влады́це? Сам бо
прише́л еси́ спасти́ блудни́цу: из
глуби́ны умершу́ю мя воскреси́,
И́же Ла́заря воздвигну́вый из

**гроба четвероднёвна: приими
мя, окаянную, Господи, и спаси
мя.**

Стих: Испове́мся Тебе́, Го́споди,
всем се́рдцем мо́им, пове́м вся
чудеса́ Твоя́.

**Отча́янная жити́я ра́ди, и
увéдомая нра́ва ра́ди, ми́ра
нося́щая присту́пи Тебе́
вопи́ющи: да не отве́ржеша мене́
блудную, Роди́выйся от Де́вы: да
не прэ́зриши моя́ слéзы, Ра́досте
А́нгелов. Но приими́ мя
ка́ющуюся, ю́же не отрину́л еси́
согреша́ющую, Го́споди, вели́кия
ра́ди Твое́я ми́лости.**

Сла́ва, и ны́не:

Самогласен, глас 8.

Творе́ние Касси́аны инокини:

Го́споди, и́же во мно́гия грехи́
впа́дшая жена́, Твое́ ощути́вшая
Бо́жество, мирonóсицы взёмши
чин, рыда́ющи ми́ро Тебе́
пре́жде погребёния прино́сит,
увы мне! глаго́лющи, я́ко но́щь
мне есть разжже́ние блуда
невозде́ржанна, мра́чное же и
безлу́нное раче́ние греха́.
Приими́ моя́ исто́чники слез,
И́же облака́ми производи́й мо́ря
во́ду, приклони́ся к мо́им
воздыха́нием се́рдечным,

Трисвятѣе. Сла́ва и ны́не:

Пресвята́я Трѣице:

Го́споди, помѣлуй, трижды. Сла́ва и ны́не: О́тче наш:

И тропа́рь:

В хра́ме сто́яще сла́вы Твоея́, на Небеси́ сто́яти мним, Богоро́дице, Дверь Небе́сная, отве́рзи нам двѣри мѣлости Твоея́.

Го́споди, помѣлуй. 40.

Сла́ва, и ны́не:

Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу Тя велича́ем.

смиренно́удря, терпе́ния, и
любве́, да́руй ми рабу́ Твоему́.
Земной поклон.

**Ей, Го́споди Царю́, да́руй ми
зрети́ моя́ прегрешéния, и не
осужда́ти бра́та моего́, я́ко
благословéн еси́ во ве́ки веко́в,
амíнь. Земной поклон.**

**Та́же ма́лых 12, глаго́люще в себе́
на кийждо́ поклон: Бо́же, очисти́
мя грéшнаго.**

**И па́ки: Го́споди и Влады́ко
живота́ моего́: всю до конца́.**

И поклон еди́н вели́кий.

ПЕРВЫЙ ЧАС

Приидите, поклонимся Цареву нашему Богу.

Приидите, поклонимся Христу, Цареву нашему, Богу.

Приидите, поклонимся и припадем Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуя,

ниже пребудут беззаконницы пред
очима Твоима: возненавидел еси
вся делающыя беззаконие.
Погубиши вся глаголющыя лжу:
мужа кровей и льстива гнушается
Господь. Аз же множеством
милости Твоея, вниду в дом Твой,
поклонюся ко храму святому
Твоему, в страхе Твоем. Господи,
настави мя правдою Твоею, враг
моих ради исправи пред Тобою
путь мой. Яко несть во устех их
истины, сердце их суетно, гроб
отверст гортань их: языки своими
льщяху. Суди им, Боже, да отпадут
от мыслей своих, по множеству
нечестия их изрини я, яко

преогорчи́ша Тя, Го́споди. И да
возвеселя́тся вси упова́ющии на Тя,
во век возра́дуются, и вселі́шися в
них, и похва́лятся о Тебе́ лю́бящии
імя Твое́. Яко Ты благослови́ши
пра́ведника, Го́споди: яко ору́жием
благоволе́ния венча́л еси́ нас.

Псалом 89

Го́споди, прибѣжище был еси́
нам в род и род. Прѣжде да́же гора́м
не бы́ти и создáтися земли́ и
вселѣнней, и от вѣка и до вѣка Ты
еси́. Не отврати́ челове́ка во
смирѣние, и рекл еси́: обрати́теся,
сынове́ челове́честии. Яко ты́сяща
лет пред очі́ма Твоі́ма, Го́споди,
яко день вчерáшний, іже мимоі́де,

и стража нощная. Уничжéния их
лéта бóдут. Утро я́ко трава́
мимо́дет, утро процветёт и
прéйдет: на вéчер отпадёт
ожестéет и изсхнет. Я́ко исчéзохом
гнéвом Тво́йм, и я́ростию Тво́ею
смутíхомся. Положíl есí
беззакóния на́ша пред Тобóю: век
наш в просвещéние лицá Твоегó.
Я́ко вси днiе на́ши оскудéша, и
гнéвом Тво́йм исчезóхом, лéта
на́ша я́ко паучiна поучáхуся. Днiе
лет на́ших, в нiхже сéдмьдесят лет,
áще же в сiлах, óсмьдесят лет, и
мнóжае их труд и болéзнь: я́ко
при́де крóтость на ны, и
нака́жемся. Кто вестъ держáву

гнёва Твоегó, и от стра́ха Твоегó,
я́рость Твою́ исчестí? Десни́цу
Твою́ та́ко скажи́ ми, и оковáнные
сёрдцем в мýдрости. Обратíся,
Гóсподи, докóле? И умолён бۇди на
рабы́ Твою́. Испóлнихомся заўтра
мíлости Твоея́, Гóсподи, и
возра́довахомся, и возвеселíхомся,
во вся дни на́ша возвеселíхомся, за
дни в ня́же смири́л ны еси́, лёта в
ня́же вíдехом злáя. И при́зри на
рабы́ Твою́, и на дела́ Твою́, и
наста́ви сы́ны их. И бۇди свётлость
Гóспода Бóга на́шего на нас, и дела́
рук на́ших испра́ви на нас, и де́ло
рук на́ших испра́ви.

Псалом 100

М́илость и суд воспою́ Тебѣ,
Ѓосподи. Пою́ и разумѣю в путѣ
непорóчне, когда́ прийдѣши ко
мне? Прехождáх в незлóбии сѣрдца
моегó посреде́ дóму моегó. Не
предлагáх пред оч́има мойма вещь
законопресту́пную: творя́щия
преступлѣние возненавѣдех. Не
прильпѣ́ мне сѣрдце стропт́иво,
уклоня́ющагося от мене́ лука́ваго
не познáх. Оклеветáющаго тай
искренняго своегó, сегó изгоня́х:
гóрдым óком, и несýтым сѣрдцем, с
сим не яд́ях. Óчи мой на вѣрныя
земл́и, посаждáти я́ со мно́ю: ходя́й
по путѣ́ непорóчну, сей ми
служáше. Не живя́ше посреде́ дóму

моего творяй гордыню, глаголяй
неправедная, не исправляше пред
очима моима. Во утрия избивах вся
грешныя земли, еже потребити от
града Господня вся делающыя
беззаконие.

Слава, и ныне:

**Аллилуия, аллилуия, аллилуия,
слава Тебе Боже. Трижды.**

Господи, помилуй. Трижды.

Тропарь, глас 6:

**Заутра услыши глас мой,
Царю мой и Боже мой. Земной
поклон.**

Стих: Глаголы моя внуши,

Гóсподи, разумей звание моё.

Заўтра услыши глас мой,
Царю мой и Бóже мой. **Земной
поклон.**

Стих: Я́ко к Тебё помолюся,
Гóсподи.

Заўтра услыши глас мой,
Царю мой и Бóже мой. **Земной
поклон.**

Сла́ва Отцу́, и Сы́ну, и Свято́му
Ду́ху.

И ны́не:

Богородичен:

Что Ты наречём, о Благода́тная?
/ Не́бо, я́ко возсия́ла еси́ Со́лнце

Правды. / Рай, яко прозяблѧ еси
цвет нетлѧния. / Дѣву, яко пребылѧ
еси нетлѧнна. / Чистую Матерь,
яко имѧла еси на святѣхъ Твоихъ
объятіяхъ Сына, всехъ Бѣга. / Того
моли спастися душамъ нашимъ.

Таже:

Стопы моя направи по словеси
Твоему / и да не обладает мною
всякое беззаконіе. **Дважды.**

Избави мя от клеветы
человѣческа, / и сохраню
зѧповѣди Твоя. **Дважды.**

Лице Твое просвети на раба
Твоего / и научи мя оправданіемъ
Твоимъ. **Дважды.**

Да исполнятся уста моя
хваления Твоего, Господи, / яко да
воспою славу Твою, / весь день
великолепие Твое. **Трижды.**

Святы́й Бо́же, Святы́й Кре́пкий,
Святы́й Безсме́ртный, поми́луй нас.
Трижды.

Сла́ва Отцу́ и Сы́ну и Свято́му
Ду́ху, и ны́не и прісно и во ве́ки
веко́в. **Ами́нь.**

Пресвята́я Тро́ице, поми́луй нас;
Господи, очисти грехи́ наша;
Влады́ко, прости́ беззаконія наша;
Святы́й, посети́ и исцели́ немо́щи
наша, и́мене Твоего́ ра́ди.

Господи, поми́луй. **Трижды.**

Сла́ва, и ны́не:

Отче наш, И́же еси́ на Небесѣх, да святѣ́тся и́мя Твое́, да при́дет Цѣ́рствие Твое́, да бу́дет во́ля Твоя́, я́ко на Небесѣ́х и на землѣ́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введѣ́ нас во искуше́ние, но избáви нас от лука́ваго.

[**Я**ко Твое́ есть Цѣ́рство и си́ла и сла́ва во ве́ки. Ами́нь. (Мф. 6: 9-13)]

Конда́к Вели́кия среды́, глас 4:

Па́че блудни́цы, Бла́же, беззакóнновав, слез ту́чи ника́коже Те́бе принесóх: но

**молча́нием моля́ся припа́даю Ти,
любо́вию облобыза́я пречи́стеи
Твои́ но́зе: я́ко да оставле́ние
мне, я́ко Влады́ка, подáси долго́в,
зову́щу Ти, Спа́се: от скве́рных
дел мои́х изба́ви мя.**

Господи, помилуй. 40.

Иже на всякое время и на всякий
час, на Небесі и на земли,
покланяемый и слаvimый, Христэ
Бже, Долготерпеливе,
Многомилостиве, Многоблаготро-
убне, Иже праведныя любяй и
грешныя милуяй, Иже вся зовый
ко спасению обещания ради
будущих благ. Сам, Господи,
прими и наша в час сей молитвы

и испра́ви живо́т наш к за́поведем
Твои́м, ду́ши на́ша освяти́, телеса́
очи́сти, помышле́ния испра́ви,
мы́сли очи́сти и избáви нас от
вся́кия скóрби, зол и болéзней,
оградí нас святы́ми Твои́ми
А́нгелы, да ополче́нием их
соблюда́еми и наставля́еми,
достíгнем в соединéние вéры и в
ра́зум непристу́пныя Твоея́ сла́вы,
я́ко благословéн еси́ во вéки векóв,
амíнь.

Честнэйшую Херувím и
сла́внейшую без сравне́ния
Серафím, без истле́ния Бóга Сло́ва
ро́ждшую, су́щую Богоро́дицу, Тя
велича́ем.

Молітвами святých отéц на́ших,
Гóсподи Иисúсе Христé, Бóже наш,
помілуй нас. **Амінь.**

Молитва святого Ефрема Сирина:

Гóсподи и Влады́ко животá
моегó, дух прáздности, ун́иния,
любоначáлия, и празднослóвия не
даждь ми. **Земной поклон.**

Дух же целомúдрия,
смиреномúдрия, терпéния, и
любвé, дáруй ми рабú Твоемú.
Земной поклон.

Ей, Гóсподи Царю́, дáруй ми
зрéти моя́ прегрешéния, и не
осуждáти брáта моего́, я́ко
благословéн есі́ во вéки векóв,

амѣнь. Земной поклон.

Таже малых 12, глаголюще в себѣ
на кѣждо поклон: Бѣже, очисти
мя грѣшнаго.

И паки: Господи и Владыко
живота моего: всю до конца.

И поклон един великий.

Трисвятѣе. Слава и ныне:

Пресвятая Троице:

Господи, помилуй, трижды. Слава и
ныне: Отче наш:

Господи, помилуй. 12.

И молитву часа:

Христѣ, Свете Истинный,
просвѣщающій и освящающій всякаго

человека, грядущаго в мір, да
знаменається на нас свет лица
Твоего, да в нем узрим Свет
Неприступный: и исправи стопы
наша к деланию заповедей Твоих,
молитвами Пречистыя Твоея
Матере, и всех Твоих святых.
Аминь.

Кондак Богородицы:

Взбранной Воеводе
победительная, / яко избавльшеся
от злых, / благодарственная
восписуем Ти раби Твой,
Богородице, / но яко имущая
державу непобедимую, / от всяких
нас бед свободи, да зовем Ти; /
радуйся, Невесто Невестная.

Сла́ва, и ны́не:

Го́споди, помíлуй. **Трижды.**
Благословí.

Отпу́ст

**Гряды́й, Го́споди, на во́льную
страсть на́шего ра́ди спасéния,
Христé, Ё́стинный Бо́же наш,
моли́твами Пречи́стыя Своея́
Матере и всех святы́х, помíлуй и
спасí нас, я́ко Благ и
Человеколю́бец. Ами́нь.**

**Вели́каго господíна и отца́
на́шего Кири́лла, / Святéйшаго
Патриáрха Москóвскаго и всея́
Русí, / и господíна на́шего
высокопреосвящённейшаго**

ѣмярек, / митрополѣта [илѣ:
а р х и е п ѣ с к о п а ; илѣ:
преосвященнейшаго ѣмярек,
епѣскопа] [егѣже есть ѣбласть], /
настоятеля, брѣтию и прихѣжан
святаго храма нашего, /
домочадцы наша и вся
православныя христианы, /
Гѣсподи, сохрани их на многая
лѣта.